

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

Komisija za provođenje Javnog konkursa za osnivanje prava građenja radi izgradnje specijalističke zdravstvene ustanove

Broj: 02-45-459/22 - 1
Zenica, 26.01.2022. godine

Zapisnik s prvog sastanka Komisije za provođenje Javnog konkursa za osnivanje prava građenja radi izgradnje specijalističke zdravstvene ustanove održanog 25. januara 2022. godine

Prisutni na sastanku: Selver Keleštura, dipl. pravnik, Sekretar Gradske uprave (predsjednik Komisije); Mirsad Heleg, dipl. ing. arhitekture, savjetnik Gradonačelnika za komunalne djelatnosti i infrastrukturu (član); Mia Pojskić, dipl. ekonomistica, šefica Sektora za javna preduzeća i javne ustanove (član); prim. dr. Tarik Kapidžić, specijalista ortopedije (član); dr. Malik Ejubović, specijalizant opće interne medicine (član) i Maida Mujanović, dipl. iur., viša stručna saradnica za poslove protokola i informisanja (sekretar Komisije).

Na početku sastanka član Komisije gospodin Mirsad Heleg je pozdravio prisutne te ih upoznao da će se javno otvaranje pristiglih ponuda održati u subotu, 29. januara 2022. godine s početkom u 13:00 sati, u prostorijama Gradske uprave Zenica.

Informisao je prisutne da su dokumentaciju po Javnom konkursu za dostavljanje ponuda za osnivanje prava građenja na građevinskom zemljištu u vlasništvu Grada Zenica radi izgradnje objekta specijalističke zdravstvene ustanove za liječenje bolesti srca i kardiovaskularnog sistema preuzeli Privatna zdravstvena ustanova specijalna bolnica „Centar za srce - KM“, dana, 31.12.2021. godine i Javna ustanova Kantonalna bolnica Zenica dana, 13.01.2022. godine.

Zatim je izvijestio prisutne da je Gradu Zenica dostavljen dopis - Zahtjev za pojašnjenje tenderske dokumentacije i izmjenju iste, u kojem su izraženi prigovori na tendersku dokumentaciju.

Predmetni dopis je dostavljen od strane Javne ustanove Kantonalna bolnica Zenica dana, 19.01.2022. godine, a Komisija je isti zaprimila dana, 21.01.2022. godine.

Dalje je naveo da je zajedno s predsjednikom Komisije gospodinom Selverom Kelešturom i gospođom Mijom Pojskić pripremio odgovor u vezi s dostavljenim prigovorima na tendersku dokumentaciju, a zbog hitnosti da se odgovor uputi učesnicima konkursa odmah nakon prijema prigovora koji je dostavljen prije vikenda, da bi isti mogli pripremiti svoje ponude u skladu sa dostavljenim

pojašnjenjima, koji je odvojeno upućen na adrese oba ponuđača dana, 24.01.2022. godine.

Gospodin Mirsad Heleg je članovima Komisije predstavio pitanja i date odgovore vezano za dostavljene prigovore na tendersku dokumentaciju.

Pojasnio je da se radi o sedam prigovora, koje je zatim pročitao, obrazložio i naveo odgovore date na svaki od prigovora.

Također je detaljno objasnio tekst javnog konkursa u smislu predmeta javnog poziva, uslova za osnivanje prava građenja, prava učešća na javnom pozivu, sadržaja ponude, načina ocjenjivanja ponuda, podnošenja prijave te drugih relevantnih informacija.

Predsjednik Komisije Selver Keleštura je članove Komisije upoznao s iskustvima lokalnih zajednica u regionu po pitanju propisivanja dodatnih uslova kada se radi o specifičnim društvenim djelatnostima (socijalna skrb, briga o pojedinim kategorijama lica, dom za stara lica, dom za lica sa posebnim potrebama) vezano za osnivanje prava građenja.

Član Komisije gospodin Malik Ejubović je istakao važnost cjelodnevne zdravstvene zaštite pacijenata (24/7), kao i da prednost po pitanju pružanja zdravstvene zaštite imaju ležeći pacijenti.

Sugerisao je da se ove dvije okolnosti imaju u vidu prilikom pregovora s odabranim ponuđačem i zaključenja ugovora.

Napomena: Zahtjev za pojašnjenje tenderske dokumentacije i izmjenu iste, kao i odgovor na Zahtjev čine sastavni dio ovog zapisnika i članovima Komisije su dostavljeni u skeniranoj formi putem elektronske pošte.

Nakon uvodnih napomena gospodina Mirsada Helega, predsjednik Komisije Selver Keleštura je prisutnima predstavio sljedeći **dnevni red:**

- 1.** Konstituisanje komisije
- 2.** Usvajanje Poslovnika o radu Komisije
- 3.** Usvajanje dinamike rada Komisije

Ad. 1. Predsjednik Komisije Selver Keleštura je konstatovao da je Rješenje o imenovanju Komisije za provođenje Javnog konkursa za osnivanje prava građenja radi izgradnje specijalističke zdravstvene ustanove broj: 02-45-459/22 od 11.01.2022. godine već dostavljeno članovima Komisije.

Ad. 2. Predsjednik Komisije Selver Keleštura je upoznao članove Komisije da je tačkom III Rješenja o imenovanju Komisije utvrđeno da Komisija donese Poslovnik o radu Komisije.

Nakon toga predsjednik Komisije je pročitao i obrazložio odredbe Poslovnika.

Ukazao je na važnost Člana 5. Poslovnika o radu Komisije za provođenje Javnog konkursa kojim su regulisane aktivnosti Komisije u svrhu provođenja procedura Javnog konkursa.

Također, naglasio je da su članovi Komisije shodno Poslovniku o radu Komisije dužni izvršiti sveobuhvatnu analizu dostavljenih ponuda, posebno uvažavajući, specifična znanja i iskustva pojedinih članova potrebna kod ocjenjivanja i vrednovanja pojedinih aspekata/uslova sadržanih u tenderskoj dokumentaciji/javnom konkursu/.

Prisutni članovi Komisije nisu imali primjedbi na Poslovnik o radu Komisije za provođenje Javnog konkursa i isti je jednoglasno usvojen.

Napomena: Poslovnik o radu Komisije za provođenje Javnog konkursa čini sastavni dio ovog zapisnika i članovima Komisije je dostavljen u skeniranoj formi putem elektronske pošte.

Ad. 3. Predsjednik Komisije Selver Keleštura je izvijestio članove Komisije o planiranoj dinamici rada kako slijedi:

- Konstituisanje komisije, usvajanje Poslovnika o radu Komisije, usvajanje dinamike rada Komisije **(25.01.2022. godine);**
- Otvaranje ponuda **(29.01.2022. godine);**
- Obavijest ponuđačima i zapisnik sa otvaranja ponuda **(29.01.2022. godine ili 31.01.2022. godine);**
- Rad na analizi ponuda **(31.01.2022. - 04.02.2022. godine);**
- Odluka o izboru najpovoljnijeg ponuđača **(04.02.2022. godine);**
- Izvještaj o provedenoj proceduri **(08.02.2022. godine);**
- Dostavljanje Izvještaja o provedenoj proceduri sa prijedlogom Odluke o osnivanju prava građenja sa izabranim/najpovoljnijim ponuđačem i prijedlogom ugovora o osnivanju prava građenja radi izgradnje objekta specijalističke zdravstvene ustanove za liječenje bolesti srca i kardiovaskularnog sistema Gradonačelniku.

Prisutni članovi Komisije nisu imali primjedbi na predloženu dinamiku rada Komisije.

Članovi Komisije:

1. Selver Keleštura (predsjednik), _____
2. Mirsad Heleg (član), _____
3. Mia Pojskić (član), _____
4. Tarik Kapidžić (član), _____
5. Malik Ejubović (član), _____

Zapisnik sačinila:

Maida Mujanović, dipl.iur

Maida Mujanović